

ФАХРУ ИФТИХОРИМ - МАДХИЯМ!

1992 йил 10 декабрь тарихимизга мустақиллигимизни мустаҳкамлаш даврининг муҳим воқелиги содир бўлган кун сифатида кирди. Хабарингиз бор, ушбу санада “Ўзбекистон Республикасининг Давлат мадҳияси тўғрисида”ги қонун имзоланди. Қонунда белгиланганидек, мадҳиямиз давлат суверенитетининг рамзи ҳисобланади, унга зўр эҳтиром билан қараш ҳар бир фуқаронинг ватанпарварлик бурчидир. Қутлуғ сана муносабати билан бугун шаҳримиздаги Педагогика коллежида байрам тадбири ўтказилди. Тадбирни шаҳар ҳокими ўринбосари Тўланбой Бекназаров табрик сўзи билан очиб мадҳиямиз мамлакат мустақиллиги, ҳалқ озодлиги давлатнинг буюк келажаги ҳақида куйладиган, бунёдкорлик ва тадбиркорликка рух бағишилашга хизмат қиласидиган истиқлол рамзи эканлигини қайд этиб ўтди. Зеро, давлат рамzlари мамлакатимиз суверенитети ва мустақиллигини ифодаловчи, ҳалқимизнинг шаъну шавкати, ғурури, ор-номуси, тарихий хотираси ва орзу-умидларини ўзида мужассам этувчи муқаддас тимсоллардир. Шу боис мустақилликнинг илк кунларидан ҳалқимизнинг озодлик, ҳурлик сингари энг буюк орзу-интилишларини, маънавий қадриятларини ифодаловчи, Ватанимиз мустақиллигини мустаҳкамлаш, юрга садоқат, бунёдкорлик ва яратувчанликка ундовчи Бош қўшиқни қабул қилишга асосий эътибор қаратилди. Миллий мадҳиямиз муazzзам садолари давлатимиз раҳбарининг турли мамлакатларга расмий ташрифлари чоғида, Ўзбекистонга келган хорижий мамлакатларнинг раҳбарларини кутиб олиш маросимларида, юртимизда ўтаётган умумхалқ байрамларида, йирик ҳалқаро анжуманлар, тинчлик ва дўстлик келишувларида, спорт мусобақаларида ва спортчиларимизнинг ҳалқаро мусобақаларда энг баланд шоҳсупага кўтарилган пайтида баралла янгравомоқда. Ўзбекистон Қаҳрамони, ҳалқ шоири Абдулла Орипов шеъри, Ўзбекистон ҳалқ артисти, атоқли композитор Мутал Бурҳонов мусиқаси асосида яратилган ушбу мадҳиямизда мусаффо осмонимиз, баҳтли ва фаровон ҳаётимиз, ҳалқимизнинг асрий орзулари, келажакка ёруғ умиди ва мустаҳкам ишончи теран ифодаланган. Юракларга фахру ифтихор туйғуларини жо этгувчи мадҳиямиз тадбир давомида ҳам жаранг сочди. Шунингдек, коллеж ўқувчилари томонидан ижро этилган она-Ватанни, истиқлолни улуғловчи шеъру қўшиқлар байрамга янада кўтаринкилик улашди.Юртбошимиз омон, ҳалқимиз фаровон экан, мустақил мамлакатимиз юксак тараққиёт, буюк келажак барпо этиш сари одимлашда давом этади, улуғ ҳалқнинг мангу қўшиғи – мадҳиямиз ҳалқимиз, фарзандларимиз қалбидан чукур жой олиб, олам узра баралла янграйверади. Бу қўшиқ она Ватанимиздан ғуурланишга, мустақиллигимизни мустаҳкамлашга, бугунимизнинг қадрига етишга, янги марраларни забт этишга ундейверади.

2019-12-10 14:45:45